0.0.1 mālunkyaputtasuttam

- 1. atha kho āyasmā mālunkyaputto¹ yena bhagavā tenupasankami. upasankamitvā bhagavantam abhivādetvā ekamantam nisīdi. ekamantam nisinno kho āyasmā mālunkyaputto bhagavantam etadavoca: sādhu me bhante, bhagavā sankhittena dhammam desetu yamaham bhagavato dhammam sutvā eko vūpakaṭṭho appamatto ātāpī pahitatto vihareyyanti.
- 2. etthadāni mālunkyaputta kim dahare bhikkhū vakkhāma, yatra hi nāma tvam bhikkhu jinno vuddho mahallako addhagato vayoanuppatto sankhittena ovādam yācasīti. kincāpaham bhante jinno vuddho mahallako addhagato vayoanuppatto, desetu me bhante bhagavā sankhittena dhammam, desetu me sugato sankhittena dhammam, appevanāmāham bhagavato bhāsitassa attham ājāneyyam, appevanāmāham bhagavato bhāsitassa dāyādo assa'nti.
- 3. tam kimmaññasi mālunkyaputta ye te cakkhuviññeyyā rūpā adiţṭhā adiṭṭhapubbā, na ca passasi, na ca te hoti. passeyyanti, atthi te tattha chando vā rāgo vā pemam vāti. no hetam bhante.
- **4.** ye te sotaviññeyyā saddā assutā assutapubbā, na ca suņāsi, na ca te hoti suņeyyanti, atthi te tattha chando vā rāgo vā pemaṃ vāti. no hetaṃ bhante.

¹mālukkya - machasaṃ, syā. pts page 072

- 5. ye te ghānaviñneyyā gandhā aghāyitā aghāyitapubbā, na ca ghāyasi, na ca te hoti ghāyeyyanti, atthi te tattha chando vā rāgo vā pemaṃ vāti. no hetaṃ bhante.
- **6.** ye te jivhāviññeyyā rasā asāyitā asāyitapubbā, na ca sāyasi, na ca te hoti ghāyeyyanti, atthi te tattha chando vā rāgo vā pemaṃ vāti. no hetaṃ bhante.
- 7. ye te kāyaviñneyyā phoṭṭhabbā asamphuṭṭhā asamphuṭṭhapubbā, na ca phusasi, na ca te hoti phuseyyanti, atthi te tattha chando vā rāgo vā pemaṃ vāti. no hetaṃ bhante.
- **8.** ye te manoviñneyyā dhammā aviñnātā aviñnātapubbā, na ca vijānāsi, na ca te hoti vijāneyyanti, atthi te tattha chando vā rāgo vā pemaṃ vāti. no hetaṃ bhante.
- 9. ettha ca te mālunkyaputta diṭṭhasutamutaviñnātabbesu dhammesu diṭṭhe diṭṭhamattam bhavissati, sute sutamattam bhavissati, mute mutamattam bhavissati, viñnāte viñnātamattam bhavissati. yato kho te mālunkyaputta diṭṭhasutamutaviñnātabbesu dhammesu diṭṭhe diṭṭhamattam bhavissati, sute sutamattam bhavissati, mute mutamattam bhavissati, viñnāte viñnātamattam bhavissati. tato tvam mālunkyaputta na tena,

yato tvam mālunkaputta na tena, tato tvam mālunkyaputta na tattha, yato tvam mālunkyaputta na tattha, tato tvam mālunakyaputta nevidha na huram na ubhayamantarena esevanto dukkhassāti.

10. imassa khvāham bhante bhagavatā sankhittena bhāsitassa evam vitthārena² attham ājānāmi.

rūpaṃ disvā sati muṭṭhā, piyaṃ nimittaṃ³ manasi karoto, sārattacitto vedeti, tañca ajjhesāya⁴ tiṭṭhati. tassa vaḍḍhanti vedanā, anekā rūpasambhavā, abhijjhā ca vihesā ca, cittamassūpahaññati. evaṃ ācinato dukkhaṃ, ārā nibbānam⁵ vuccati.

saddam sutvā sati muṭṭhā, piyam nimittam manasi karoto, sārattacitto vedeti, tañca ajjhosāya tiṭṭhati, tassa vaḍḍhanti vedanā, anekā saddasambhavā, abhijjhā ca vihesā ca,

²bhāsitassa vitvārena - machasaṃ, syā, sīmu.

³piyanimittam - sīmu. sī 2.

⁴ajjhosa - machasam, ajejhasā- syā.

⁵nibbāna - machasam. syā.

cittamassūpahaññati, evaṃ ācinato dukkhaṃ, ārā nibbāṇaṃ vuccati.

gandham ghātvā sati muṭṭhā, piyam nimittam manasi karoto, sārattacitto vedeti, tañca ajjhesāya tiṭṭhati. tassa vaḍḍhanti vedanā, anekā gandhasambhavā, abhijjhā ca vihesā ca, cittamassūpahaññati, evam ācinato dukkham, ārā nibbāṇam vuccati.

rasam bhotvā sati muţţhā, piyam nimittam manasi karoto, sārattacitto vedeti, tañca ajjhosāya tiţţhati, tassa vaḍḍhanti vedanā, anekā rasasambhavā, abhijjhā ca vihesā ca, cittamassūpahaññati, evam ācinato dukkham, ārā nibbāṇam vuccati.

phassam⁶ phussa sati muţţhā,

pts page 074 bit page 160

⁶photthabbā - syā.

piyam nimittam manasi karoto, sārattacitto vedeti, tañca ajjhosāya tiṭṭhati, tassa vaḍḍhanti vedanā, anekā phassasambhavā, abhijjhā ca vihesā ca, cittamassūpahaññati, evam ācinato dukkham, ārā nibbānam vuccati.

dhammam ñatvā sati muṭṭhā, piyam nimittam manasi karoto, sārattacitto vedeti, tañca ajjhesāya tiṭṭhati. tassa vaḍḍhanti vedanā, anekā dhammasambhavā, abhijjhā ca vihesā ca, cittamassūpahañnati, evam ācinato dukkham, ārā nibbāṇam vuccati.

na so rajjati rūpesu, rūpam disvā patissato⁷ virattacitto vedeti, tañca nājjhosāya tiṭṭhati, yathāssa passato rūpam, sevato cāpi vedanam, khīyati nopacīyati, evam so caratī sato,

pts page 075 ⁷paṭissato- machasam.

evam apacinato dukkham, santike nibbānam vuccati.

na so rajjati saddesu, saddam sutvā patissato virattacitto vedeti, tanca nājjhosāya tiṭṭhati, yathāssa suṇato saddam, sevatocāpi vedanam, khīyati no pacīyati, evam so caratī sato, evam apacinato dukkham, santike nibbānam vuccati.

na so rajjati gandhesu, gandham ghātvā patissato, virattacitto vedeti, tañca nājjhosāya tiṭṭhati, yathāssa ghāyato gandham, sevatocāpi vedanam, khīyati no pacīyati, evam so caratī sato, evam apacinato dukkham, santike nibbānam vuccati.

na so rajjati rasesu, rasaṃ bhotvā patissato, virattacitto vedeti, tañca nājjhosāya tiṭṭhati, yathāssa sāyato rasaṃ, sevato cāpi vedanam, khīyati no pacīyati, evam so caratī sato, evam apacinato dukkham, santike nibbānam vuccati.

na so rajjati phassesu, phassam phussa patissato, virattacitto vedeti, tañca nājjhosāya tiṭṭhati, yathāssa phusato phassam, sevato cāpi vedanam, khīyati no pacīyati, evam so caratī sato, evam apacinato dukkham, santike nibbānam vuccati.

na so rajjati dhammesu, dhammam ñatvā patissato, virattacitto vedeti, tañca nājjhosāya tiṭṭhati, yathāssa vijānato⁸ dhammam, sevatocāpi vedanam, khīyati no pacīyati, evam so caratī sato, evam apacinato dukkham, santike nibbānam vuccatī ti.

bjt page 162

⁸jānato - machasam, syā.

11. imassa kho'ham bhante bhagavatā sankhittena bhāsitassa evam vitthārena attham ājānāmīti. sādhu sādhu mālunkyaputta, sādhu kho tvam mālunkyaputta mayā sankhittena bhāsitassa vitthārena attham ājānāsi.

rūpam disvā sati muṭṭhā,
piyanimittam manasi karoto,
sārattacitto vedeti,
tañca ajjhesāya tiṭṭhati. tassa vaḍḍhanti vedanā,
anekā rūpasambhavā,
abhijjhā ca vihesā ca,
cittamassūpahaññati,
evam ācinato dukkham,
ārā nibbāṇam vuccati.

saddam sutvā sati muṭṭhā, piyam nimittam manasi karoto, sārattacitto vedeti, tañca ajjhosāya tiṭṭhati, tassa vaḍḍhanti vedanā, anekā saddasambhavā, abhijjhā ca vihesā ca, cittamassūpahaññati, evam ācinato dukkham, ārā nibbāṇam vuccati.

gandham ghātvā sati muṭṭhā,

piyam nimittam manasi karoto, sārattacitto vedeti, tañca ajjhesāya tiṭṭhati. tassa vaḍḍhanti vedanā, anekā gandhasambhavā, abhijjhā ca vibhesā ca, cittamassūpahaññati, evam ācinato dukkham, ārā nibbāṇam vuccati.

rasam bhotvā sati muṭṭhā, piyam nimittam manasi karoto, sārattacitto vedeti, tañca ajjhosāya tiṭṭhati, tassa vaḍḍhanti vedanā, anekā rasasambhavā, abhijjhā ca vihesā ca, cittamassūpahaññati, evam ācinato dukkham, ārā nibbāṇam vuccati.

phassam phussa sati muṭṭhā, piyam nimittam manasi karoto, sārattacitto vedeti, tañca ajjhosāya tiṭṭhati, tassa vaḍḍhanti vedanā, anekā phassasambhavā, abhijjhā ca vihesā ca, cittamassūpahaññati, evam ācinato dukkham,

ārā nibbāņam vuccati.

dhammam ñatvā sati muṭṭhā, piyam nimittam manasi karoto, sārattacitto vedeti, tañca ajjhesāya tiṭṭhati. tassa vaḍḍhanti vedanā, anekā dhammasambhavā, abhijjhā ca vibhesā ca, cittamassūpahaññati, evam ācinato dukkham, ārā nibbāṇam vuccati.

na so rajjati rūpesu, rūpam disvā patissato, virattacitto vedeti, tañca nājjhosāya tiṭṭhati, yathāssa passato rūpam, sevato cāpi vedanam, khīyati no pacīyati, evam so caratī sato, evam apacinato dukkham, santike nibbānam vuccati.

na so rajjati saddesu, saddam sutvā patissato, virattacitto vedeti, tañca nājjhosāya tiṭṭhati, yathāssa sunato saddam, sevatocāpi vedanam, khīyati no pacīyati, evam so caratī sato, evam apacinato dukkham, santike nibbānam vuccati.

na so rajjati gandhesu, gandham ghātvā patissato, virattacitto vedeti, tañca nājjhosāya tiṭṭhati, yathāssa ghāyato gandham, sevatocāpi vedanam, khīyati no pacīyati, evam so caratī sato, evam apacinato dukkham, santike nibbānam vuccati.

na so rajjati rasesu, rasam bhotvā patissato, virattacitto vedeti, tañca nājjhosāya tiṭṭhati, yathāssa sāyato rasam, sevato cāpi vedanam, khīyati no pacīyati, evam so caratī sato, evam apacinato dukkham, santike nibbānam vuccati.

na so rajjati phassesu, phassam phussa patissato, virattacitto vedeti, tañca nājjhosāya tiṭṭhati, yathāssa phusato phassam, sevato cāpi vedanam, khīyati no pacīyati, evam so caratī sato, evam apacinato dukkham, santike nibbānam vuccati.

na so rajjati dhammesu, dhammam ñatvā patissato, virattacitto vedeti, tañca nājjhosāya tiṭṭhati, yathāssa vijānato dhammam, sevatocāpi vedanam, khīyati no pacīyati, evam so caratī sato, evam apacinato dukkham, santike nibbānam vuccatī ti.

- 12. imassa kho mālunkyaputta mayā sankhittena bhāsitassa evam vitthārena attho daṭṭhabboti. atha kho āyasmā mālunkyaputto bhagavato bhāsitam abhinanditvā anumoditvā uṭṭhāyāsanā bhagavantam abhivādetvā padakkhiṇam katvā pakkāmi.
- 13. atha kho āyasmā māluṅkyaputto eko vūpakaṭṭho appamatto ātāpī pahitatto viharanto na cirasseva yassatthāya kulaputtā sammadeva āgārasmā anagāriyam

pabbajanti, tadanuttaram brahmacariyapariyosānam diţţheva dhamme sayam abhiññā sacchikatvā upasampajja vihāsi. khīṇā jāti, vusitam brahmacariyam, katam karaṇīyam, nāparam itthattāyāti abbhaññāsi. aññataro ca panāyasmā māluṅkyaputto arahatam ahosīti.